

Tetun

Xanana Gusmão hatete katak nasaun kiik sira bele trava aspirasaun australia nian iha ONU

02 de Maio de 2016, 15:40

Nasaun kiik sira sai alvu "bullying" hosi viziñu sira ne'ebé forte bele hamutuk ho Timor-Leste no trava aspirasaun australianu nian atu hetan fatin ida iha Konsellu Direitus Umanus iha ONU , haktuir ministru timoroan Xanana Gusmão.



Iha entrevista ba grupu komunikasaun sosiál australianu Fairfax, negociadór prinsipál timoroan ba fronteira marítima no ministru Planeamentu no Investimentu Estratéjiku, kritika Camberra tamba rezeita halo negosiasaun ho Díli kona-ba fronteira.

Xanana Gusmão hatete katak Timor-Leste sei la fó apoiu kandidatura australianu ba Konsellu Direitus Umanus Nasoens Unidas nian, hatutan katak nasaun kiik hotu no ne'ebé sei iha dezenvolvimentu preokupa tebes ho pozisaun Camberra nian kona-ba fronteira, nia afirma, sira nega dólar milaun barak iha reseita petróleu no gás naturál ba sira nia nasaun.

"Oinsa maka Austrália nega povu ida nia direitu no nasaun - Timor-Leste – hakarak defende direitus umanus. Bainhira koa'lia kona-ba direitus umanus, ita koalia kona-ba kontestu abranjente liu. Direitu ba vida umana, direitu ba edukasaun, direitu ba saúde. No buat sira ne'e hotu", nia hatete.

"Tamba ne'e difisil tebes ba Austrália atu konsege hetan fatin ida. Ami koñese nasaun barak - kiik, kiak – ne'ebé sai alvu ba 'bullying' hosi sira nia viziñu rasik", nia haktuir.

Imprensa Austrália hatutan tan katak polémika kona-ba fronteira estraga ona imajen australianu nian iha rai-liur, liliu iha momentu ida ne'e nasaun enfrenta kritika tamba kauza hosi sira nia programa tratamentu ba refujiadu sira.

Timor-Leste manifesta iha loron 11 abril Procedimento de Conciliação Obrigatória (PCO) ida iha Nasoens Unidas atu obriga Camberra tuur hamutuk iha meja ida hodi define fronteira marítima entre nasaun rua.

Maski iha ona akordu temporáriu ba hafahe rekursu sira hosi Tasi Timor nafatin laiha fronteira permanente entre nasaun rua, ho Austrália ne'ebé dada-an hosi prosedimentu rezolusaun internasionál maka, Díli insiste, limite "meius Timor-Leste nian atu kumpri sira nia direitu tuir direitu internasionál".

Konsiliaun obrigatóriu hanesan prosesu ida previstu iha Konvensan Naoens Unidas kona-ba Direitu Tasi (CNDUM) no obriga Austrália atu partisipa iha prosesu formál ne'ebé lidera hosi painel independente peritu ida ho naran "comissão de conciliação".

Prosedimentu ne'e sei bele uza iha kazu sira ne'ebé parte sira lahetan akordu ka entre Estadu ne'e ida foti desizaun atu esklui jurisdisaun iha instituisaun internasionál ne'ebé maka dedika atu halo mediasaun ba konfliktu kona-ba fronteira marítima.

Mediadór independente lima tama ba komisaun konsiliaun ne'ebé sei rona pozisaun kada Estadu nain rua, no karik lahetan akordu, komisaun apresenta ba sekretáriu-gerál ONU relatóriu ida hodi rekomenda apoiu ba rezolusaun.

Ho nune'e Camberra no Díli obrigatóriu atu negocia ho intensaun di'ak, tuir relatóriu komisaun nian.

Bazeia ba prosedimentu Díli nomea mediadór nain rua, tuir proposta Tribunál Arbitráil Permanente atu administra konsiliaun. Camberra sei nomea moos mediadór nain rua no nain haat ne'e, entre sira, nomea ba dalalima molok hahú prosedimentu.

Ohin termina ona prazu atu Camberra nomea ninia mediadór sira karik lahalo, sei kabe ba sekretáriu-gerál ONU, Ban Ki-moon, atu nomea delegadu hodi representa Austrália.

SAPO TL ho Lusa

[Kona-bá](#) [Kondisaun Utilizasaun](#) [Política Privacidade](#) [Kona-bá Cookie](#) [Tulun](#)
SAPO

Produsaun hosi SAPO - Ho direitu hotu-hotu rezervadu.